

NSA ‘ NGA NJÚ TE PA MFÉÉ KÊT MÚN NYÛTU

NJÚE ME SHÚKÉT

Lo’ te ka kúmshe nga wúme, yúe a njit ne gú púen te ngúet púen nyútu pua pa mféé kêr’ ap ngúenengúe sebe, pe na yire mbe map(ureyúe’ ne) kú ghét ngam pua sappé ne fúeshe te njú na, lo’ te ka fét kwen pua tâne pa mféé kêt mún nyútu kpa’ nkiére gú ngétne nga pâre yúe a mfiébe

Wupme pa te njú na, pua ka tuo tuo njú mfé ira yúe púen nyútu ntuo pe ne kú shúkét pua kú wúshe te túm túme puô pua ngúe’ , shi na mbe pô yi nsa’ me pum yu sha’ múm nyútu na,

Lo’ te ka a nta’ mi pa mféékêť mún nyútu kpa’ mbe yu shi te nsa’ ngu mféékêť me shi’ mi a me yétne yi njit mún nyútu me ndîni ne pi’ tu te nsa’ kpen pua yit mún te ngu na,

Lo’ te ka a ntá suo nshi’ shâne sun ma fâne túm túm ma,

Lo’ te ka, te mâ kèn, túm túm te nda shut ngu ngu mbône kpa’ mbit nféere pentú yap te map map mféékêť mún nyútu, lo’ te wúme pua nga’ kêt mbe mún nyútu, te ngúenengúe pa mféékêť pemba pua pemgbié mbi pit nsa’ ndîshut te yi ndúere tam kut te wume la’ pua yi mféere fuomkêť fuomkêť mmanjé wume te ndâ lône kú ghét ngam ma.

Lo’ te ka gú nsa’ ngu ngu kpa’ nsèn te pamme mbuo pua nda nshùť ngumbône, yi mbe ngum nshin pa mféékêť mún nyútu pua map map kú ghét ngam ma,

Lo’ te ka yi nyéte mbuomshe shire shire pa mféékêť pua pa kú ghékêť ngam pe na pô nga ngûre te yi ngûre yire yi gbèt kèn nsebe na,

Puomshe Mbadem mún

nâ tupshe yire yi nsa’ nga njú, ti pa mféékêť mún nyútu, po yúe wupme ndi nshur’ úe a nta’ mi gú túm túm pua ngu ngu yétne yi ngum pô nshin na, me shi’ mi gú púen ne gú pe kpúere púen te la’ , yúe pe nshüşhü’ yire yi nsa’ ngam me wupme na, pe ne ma’ si’ te yu lére puo kúú wupme, a yétne fa pé, lo’ te ndi ngam membéte, túm te ngu ngu pua fâne ngu ngu, lo’ te kúmshe pua shétte te ngétne nga mbône mún nsebe ngúe ngúe me rû pa te ngu ngu nda shùť puonepuo pua fâne nsié ngu ngu shúe pe nsa’ na.

Pum mgbetî 1

Pe nâ mvé gú puen nyútu pô te mbe kú ghét ngam pua ngúenengúe mbe te wúme nsebe pua pa mféékêť. Pen â ntúm te mbe kú rem ngam pua fabshe ngam, a nshi njîr’ ap ne yi nshâne ngétne nga shap pô te wupme pontâ.

Mgbetî mbète 2

Nshié mún yétne yi ngét kú ñwet te gú pa mféékêť pua kú ghét ngam túm te yire yi nsa’ nga njú, shi mshié nsènte me túm, me ngup, me sù, me shùket, me nga nyinyi, me nda ntañ, ké mo’ nshié wupme túm lo’ te la’ ké lo’ te fâne púen’ e, lo’ te nkapa, lo’ te vé ké lo’ te mo’ nshié mbe.

Mo’ nké nshié nsènte ntap ndo’ tèr’ i mo’ ngâ shi te mgbète ntañ, mgbète kèn ké mgbète fâne túm túm ngu ké sâ ngu múm nyútu, pa yúe yire ngu ké sâ ngu mbe ne shútu na, nshin nsa’ mo’ ngu na, shi pe ne kú ghét ngam ké mbe pô ne páshe shútu na.

Mgbetî mbète 3

Nshié mún nyútu ghét mféé kêť wume, mféé kêť kú ghét ngam pua mféé kêť tènntúúm wume te mbe mi.

Mgbetî mbète 4

Mo’ nshié mún ntap ndo’ pe’ i mkpèn ké te mbe fa’ kpèn ne, me nga kê kpèn pua ntèn kpèn ka kpa’ njié kèn te gú mbe map mentèn na.

Mgbetî mbète 5

Mo’ nshié múm nyútu ntap ndo’ pi’ kwete’ i ngúe’ menduwan.

Mgbetî mbète 6

Nshié mún ghét mféé kêť wúme ntu nté ni pue nkèn te gú li’ mentèn.

Mgbetî mbète 7

Gú púen kpa’ na mbe pô ngúe ngúe mesù kèn mbi pit ngékêť mféé kêť shi nsènte mbe te ka kèn ntúe’ she wap ngúenengúe na. Gú yap ghékêť ngúenengúe mféé kêť ntúe’ she me shi’ yi nkú’ ranami yúe a nte pe nsùene yire nsa’ ngam ma, mo’ nké yétne yi nèn nshié rône yúe a nsùshe rane-mi na.

Mgbetî mbète 8

Nshié mún pua ne mféé kêť yi mfa ñwer’ i tu gú nda sa’ ngu yúe a yétne yi mfèr’ i te map map pa mféé kêť i túm te mã kèn ké kèn ngu.

Mgbetî mbète 9

Nshié mún mâ njetne’ i yi mbe yu vé te kú tú mo’ mún, ké yi mshüşhü’ i, ké yi ntúme’ i te ngu.

#### Mgbètî mbète 10

Nshié mún nyùtu ghét mféé kêt, ngúenengúe nsebe, ne ka pe njetne yi nju’ mbie’ ne sa’ shi me ndô ngúere te nda sa’ shùtu shi nga rane-mi ntúúm ña yùe pe ntuo li sa, tupshe pa mféé kêr’ i pua kêr’ i na, ké yi ntupshe mgbú sa’ shi yúe a ntuo suo’ i ne sa’ na.

#### Mgbètî mbète 11

Nshié mún’ úe pe nsôme’ i na, pum na mbe ndi’ pô ngâ gbú sa’ , kúka kèn ki’ re nguo kwete mgbú sa’ shi te nda sa’ , me ndô ngúere, ña yúe loya njétne yi mfèr’ i pôkéri na.

Pe ntap ndo’ suo’ i sa’ ndun nshié mún, lo’ te ngékét pua shu shi ghet ké shu shi rié, fú’ yié ka a ndi’ pô fubkèn túm te kèn ngu ke’ ken njú mansié. Mo’ nké shi pe mbi’ ndo’ njap nsuo sa’ ndun mún à rét nja’ yúe a pambi té mbe yi mgbète te fú’ fubkèn na.

#### Mgbètî mbète 12

Nshié mún yié ndi’ yúe pe ndo’ mbe mbib’ i ne yi lo’ nyí te nga wumeshi yi’ she, pa nshut nda’ i, li’ shu’ i ké lérewa shi, shi ñúshe ntu nté mi pua ngétne nga shi yi mbôkét. Nshié mún nyùtu ghét mféé kêt túe’ she lo’ puo kén meshi’ yi nkú yúe pe mbe mbib’ i ké yi mbe ñúshe’ i ne.

#### Mgbètî mbète 13

Nshié mún nyùtu ghét mféé kêt ghét kú yi nkétne ne yi nsho’ li’ shu’ i (nka’ shi) te nshié ngu.

Nshié mún nyùtu ghét mféé kêt yi ntúm nshié ngu, mbû ngu’ i, mbit nkú njétne yi mbùtne ntúúm.

#### Mgbètî mbète 14

Te ka pe mbe nta’ vé mún na, mbû i ghét mféé kêt yi nta’ li’ kebkebe mbit, nkú kwete li’ kebkebe te shimo’ ngu.

Yire yi mféé kêt ndi’ yu rié te pa vévé yúe mún ghét püü ngüre na, ké te ngétne nga yúe a ndi’ yùni pua nsa’ nga njú mansié na.

#### Mgbètî mbète 15

Nshié mún nyùtu ghét mféé kêt yi mbe ntúmsié ndi la’ .

A ndi yétni ne yúe pe nkuot ntúmsié la’ puo mún, ké yúe pe nkuot mféé kêt yi kupshe ntúmsié la’ pue’ i nâ.

#### Mgbètî mbète 16

Lo’ te lúm li, membâ po memgbié nghétkét mféé kêt yi ndâme mbit njétne yi nsèn ngüet mún, shi tié nto’ ne nga túm, nga la’ púen ké nga nyinyi púen ne. Pe ghét kêt na mféé kêt te lam pô ngúenengùe, lo’ te wume lam pua fú’ yié ka pe ño lam ma.

Kutlam shu na pô te ndi nshut pua péeme pè’ ghâ yi ndâme.

Ngüet mún pua nki map mbadem mún lo’ fem nshin mo’ nké mbi ghét mféé kêt kwete shi lo’ puo mbadem mún pua nsa’ ngu.

#### Mgbètî mbète 17

Nshié mún, yi’ she ké me rû púen ne, ghét mféé kêt ghét kú yi yúm.

Pe mâ njétnî yi nvé mún nkuot kú yu’ i.

#### Mgbètî mbète 18

Nshié mún nyùtu ghét mféé kêt kú rem ngam, yi, ne nga nyinyi; yire yi ntupshe yi ngét kú kupshe nga nyinyi ké ghét kú ghét nga nyinyi yi’ she ké te puomshe me ndôngúere ké me lúemshe, lo’ te yu lére, gû ngéri, fa ngüre ne nyinyi pua ghét gû mgbète ntuot nga nyinyi.

#### Mgbètî mbète 19

Nshié mún pua ne mféé kêt ghét kú ghét wupme ne yi nshúkére, yire yi ntupshe mféé kêt yi mbe shi yétne yi kwete nkamkét ngam me shi’ gû wupme shi ne mféé kêt yi njétne yi nta’ yi nkweite mbit nsam gû pesa’ kúe pua wupme te nshié manjé yi nsâme.

#### Mgbètî mbète 20

Nshié mún pua ne mféé kêt ghét kú ghét puomshe ne ghét nda nshút puomshe te fùeshe.

Pe fa pe yié yîri mún i pe mún nda puomshe.

#### Mgbètî mbète 21

Nshié mún ghét mféé kêt yi nshàre tésù te pesa’ kúe npa ngu’ i, ké me mún nténe, ké njem púenpúe pe sha’ sh sh na.

Nshié mún ghét mféé kêt yi ngét ntu nté te nsa’ ngu’ i lo’ te ngúenengúe mgbète kèn yi kwete.

Kû ntú pa te ngu pe na yire mbe meýùe’ ne (to’ she) ne pâwa nsa’ ngu. Yire yi kû ntúúm pe nâ yitkéri te nshôshî pô lo’ te shisho’ nzènkét te gû pe rap fù’ , nère nshié mún sho’ yi nguégúe yié momap, me lúem ké yúe pe nsho’ mo’ nza féénî shi yît mún mbe na.

Mgbètî mbète 22

Nshié mún, me rû lala pa te ngu, ghét mféé kêt yi mbe ne tèn ntúúm wume mb ne mún. A nâ tèt ngâ shi lo’ te yi kwete lúúm ntúúm pa mféé kêt shùshù’ mbèt pam, fâne púen te la’ ne nga yi ntuet púen yúe a nkpa’ she njit te nga wúme shi na, pua nga lúere púnte ntu nté mi na, lo’ te ma’ si’ ngu pua shâne wume ngu ngu, mbe njùe’ ne te nga yi nsh she ne nga mbètpam nshié ngu.

Mgbètî mbète 23

Nshié mún nyûtu ghét mféé kêt fa’ , kú sho’ fa’ shi, lo’ te mgbète fa’ yùe a pua yi ghapshe ngúe ngúe ne shîre lem túúm pua yi nèn manjé ne nga shu ndem na.

Gú pùen ghétkét mféé kêt ngúenengúe péé te ngúenengúe fa’ shi rane mi mbe.

Nshié ngâ fa’ ghét mféé kêt péé a pe yétni mbit mbe yi shîre ntúúm mbe nshâre’ i pua ngúr’ i te wume yúe a yùne pua wúme ndun mún nyûtu na, nzîshîpe yi mbe nsham pa mebú’ re te shimo’ mmanjé yiéka a ntâne na.

Nshié mún ghét mféé kêt yi njùp nda nshùt tùe’ she séé mbètpam pua shimo’ pùen mbi pit njétne yi nyi te shire shúe nda shùt meshi’ tùe’ she séé shi.

Mgbètî mbète 24

Nshié mún ghét mféé kêt gbùne ñwet pua pa fône fú’ ndem ntamme pékét mgbète fú’ fa’ ne ngab ngab’ úe a pua yi péé te pe rap fú’ na.

Mgbètî mbète 25

Nshié mún pua ne mféé kêt kwete ntu nté wume njétne a pe yi fú’ she njap ñwet, nshu mbôkér’ i ne shi ngúer’ i, ntamme meshi’ njùpayù, ma’ shùe’ , nda nshu, yûre shi, lâne pe fa’ fèt pùen te la’ , yùe pe ghét shèt nga shi na I ghét mféé kêt puo-ghâme nsa’ ngu me yúe i mbe shi fa’ na te ya na, ne kúlúemshe na, te kûú na, te réne na ké te shi mo’ mbe yúe kú wume sié puo’ i, lo’ te nkamkét ngam’ úe a ndi’ te kû ntú’ i na.

Nda vé pua pon kpa’ she ngét mféé kêt yi nkweite ghâme ne mfère yúe a pua shéttî na. Gú pon, mbû pon njem nâ ngum nshin ngúenengúe túe’ she pa te la’ .

Mgbètî mbète 26

Nshié mún nyûtu ghét mféé kêt yu lére (kúú wupme). A nâ njit mi kúú wupme pe pô ndem ndem, nkúeshî yétne yi mbe yu lére me njiéshî (pum yu lére) yúe a pua meýùe’ ne mbit mbe nkparé’ na. Njiéshe yu lére pua pô yitkéri. Yu lére ntu mbue ne yi yi fa’ nâ njit mi pe sâm. mbe njit yúp ndalérewa ngutngûre me nsa’ ne ne púen me mfù’ kú ngur’ ap.

A nâ njit mi yu lére pe nshééne runkét fú’ she ntu nté mún nyûtu ne suo kú yi mfa puô pa mféé kêt mún nyûtu ne mkpara’ fône kú ghét ngam. A nâ njit lúere nju’ ngam mûmshe ne sun me fâne ngu ngu ne gú lap lap túm túm ké nga nyinyi, shi lâne tamkut te ngétne nga nda shùt ngu ngu mbône, meshi’ shùshù’ fùeshe.

Pa mvévé, te fakú, ghétkét mféé kêt yi nsho’ nga yu lére yùe pe yétne yi mfa ne pon pap na.

Mgbètî mbète 27

Nshié mún ghét mféé kêt yi ngum fúeshî tu wume ntuoat mbône mún, yi nséé te pa ghére ntu mbue ne yi ndù’ nga wuo nkú sú te yi yu ghére pua ngambôkér’ i.

Nshié mún ghét mféé kêt yi kwete tùe’ she te séé nga ntuoat pua mbètpam tùm te yu fù’ she yi yi yu ghére, yi yi yu tùete ke yi yi yu ghére ntu mbue yúe i ghét na.

Mgbètî mbète 28

Nshié mún ghét mféé kèr’ úe a mbe nsa’ lo’ te fâne púen pua ngu ngu, mgbète kèn kúka pa mféé kêt pua kú ghétkét ngam te yire yi nsa’ nga njú njetne yi mbe wumkéri ntúúm na.

Mgbètî mbète 29

mún nyûtu ghét kup kup mfa mfe ndun mbône mún ña yúe a li mî fône pua runkét tamkut te ntu nté mi yétne yi mbe na.

Te rûne pa mféé kèr’ i pua lúúm ntúúm te kwete kú ghétkét nga shi, nshié mún nâ mkpem ñwor’ i te ndùt ndùt kén meshi’ wúme pua fa puô pa mféé kêt pua kú ghét ngam ne montâ a lo’ mfa pû ne ndù nga kúú wupme ngambôkét, mgbète nga nsa’ ngu ne nshubôkét mbadem mún te ngu shùtu.

A mâ njétni mi shire pa mféé kêt pua kú ghét ngam lo’ mbe mfa’ ne pua gû pa sha’ ne gû mgbète nsa’ ngam nda shùt ngu ngu mbône.

Mgbètî mbète 30

Mo’ nshié me yúe’ ne lo’ te yire yi nsa’ ngam mâ njetni suo kú nshié nsa’ ngu, lap lap pùen ké ndî mún ne, ne yi ngét nshié mféé kêt te ghét pesa’ kúe yúe pe fa a nyé’ re pa mféé kêt puo kú ghétkét ngam’ úe pe ntanke ntúúm ma.